



Teisteanais
Nàiseanta
PÀIPEAR EISIMPLEIR

SQ19/H/01

Gàidhlig
Leughadh agus Sgrìobhadh

Latha — Gun bhuinteanas

Gàidhlig
Reading and Writing

Date — Not applicable

Ùine: — 1 uair agus 40 mionaid (moladh)

Duration — 1 hour 40 minutes

Comharraighean gu lèir — 50

ROINN 1 — LEUGHADH AIRSON TUIGSINN, MION-SGRÙDADH IS LUACHADH — 30 comharra
Leugh an earrann agus feuch air na ceistean AIR FAD.

ROINN 2 — LEUGHADH BREITHNEACHAIL IS SGRÌOBHADH — 20 comharra

Tagh AON de na roghainnean a-mhàin.

Nuair a dh'iarrar ort, fosgail do phàipear agus sgrìobh do fhereagardean anns an leabhran freagairt.

Mura bi thu a' cleachdadadh fianais bhon teacsa, feumaidh tu d' fhaclan fhèin a chleachdadadh.

Cleachd inc gorm no dubh. Feumaidh tu duilleag ùr a chleachdadadh airson gach roinn.

Mus fàg thu rùm nan deuchainn feumaidh tu gach leabhran a thoirt don Neach-faire. Mura dèan thu seo, dh'fhaodadh tu na comharraighean air fad airson a' phàipeir seo a chall.



* S Q 1 9 H 0 1 *

ROINN 1 – LEUGHADH AIRSON TUIGSINN, MION-SGRÙDADH IS LUACHADH – 30 comharra

An Sgàthan

An latha ud, bha mi air fios fhaighinn bhon cheannard aig m' obair gum biodh agam ri oidhche a chur seachad ann am baile nach b' aithne dhomh. Cha robh cus àiteachan-fuirich rin lorg san àite bheag iomallach sin. Mu dheireadh, thàinig mi tarsainn air taigh-òsta air an eadar-lìon agus chuir mi rùm air dòigh dhomh fhìn. Ged nach robh coltas ro bheothail air a' bhaile nuair a 5 thàinig mi far na trèana, thog mi orm sìos an rathad. Bha rian agam air mo bheatha an uair sin. Anns an àm mus do thadhail mi air an àite ud. An t-àite far an do chaill mi mo chiall . . .

An dèidh a bhith a' coiseachd greis mhath, thrèig soilleireachd an latha mi gu h-obann, ach thug mi 'n aire do sholas beag pios far an rathaid a bha gu math coltach ri solas uinneige. Nuair a 10 ràinig mi starsach an togalaich, laigh mo shùil air seann għlag meirgeach air an doras, fear mòr iarainn le ròpa tiugh a' crochadh fodha. A' faireachdainn mar gum bithinn ann an seann fhilm, thug mi crathadh math air agus chlisg mi nuair a dh'fhosgail an doras sa bhad. Sheas fireannach àrd, dorcha air mo bheulaibh agus choimhead e orm le amharas. "Dè tha thu ag iarraidh?" dh'haighnich e ann an guth cruaidh. Sa mhionaid thug mi 'n aire do sheann leòn a bha air 15 gearradh air a leth-cheann. Bha a shùilean domhainn uaine a' geur-amhairc tromham. Bha mise cho aithghearr ris fhèin nam fhreagairt. "Chuir mi air dòigh rùm airson na h-oidhche." Chrath e a cheann agus rinn e osna mar gum bithinn air rudeigin għorach a ràdh.

Mu dheireadh, dh'fhosgail e an doras beagan agus leig e a-steach mi. Le ceumannan slaodach, chaidh e air thoiseach orm sìos transa fhada, dhorcha, chumhang, timcheall an oisein agus, mu 20 dheireadh thall, suas staidhre gu fior mhullach an togalaich. Dh'fhosgail e an doras, chuir e air an lampa agus thuirt e, "Seo do sheòmar. Cha bhi e ach fuar o nach eil mi air teine a chur air. Cha robh dùil agam riut." Chuir mi dhiom mo bhaga agus shuidh mi sa chathair, taingeil gun do 25 leig e a-steach mi. Air bòrd beag ri taobh na leapa, thug mi an aire do thrèidhe le aran, càise agus glainne fion air. "Dèan do shuipear dheth," thuirt e agus dhùin an doras le brag air a chùlaibh.

25 "Ach carson a dh'fhàgadh tu . . . ?" Chuir mi stad orm fhìn.

Cha robh an solas ach fann ach chithinn gun robh coltas na h-aoise air gach nì a bha san rùm o bhallachan robach gu brat-ùrlar sracte. Ach nuair a choimhead mi air an leabaidh, thog an t-aodach-leapa geal, glan mo spiorad agus bha i gam thàladh. Bha sgàthan mòr crochte os cionn an teine. A-nise, ged a rinn mi ionradh air rudan eile a bha san t-seòmar air thoiseach air an 30 sgàthan, 's i 'n fhìrinn gur e a' chiad rud a għlak mo shùil nuair a chaidh mi a-steach air an doras.

Cha b' ann mar sgàthan a bha e idir. Bha a h-uile coltas air gun robh mi a' coimhead a-mach uinneag chruinn air cuan farsaing. Bha dath na gloinne coltach ri dath gorm na mara agus thug mi an aire gun robh bàta seòlaidh air a tarraig gu grinn sa ghloinne. Bha an sgàthan air greimeachadh orm mar telebhisean gun fhuaim ann an oisean rùm-suidhe. Mar gum b' ann ag 35 aisling a bha mi, tha mi deimhinne às gun do thòisich am bàta air tulgadh gu socair agus na siùil ri gluasad air ais agus air adhart sa ghaoith. Sgìths, tha mi creidsinn. Shìn mi air an leabaidh agus cha b' fhada gus an robh mi nam shuain cadail.

Dhùiss mi ann an dorchadas fuar na h-oidhche gun fhios agam dè an uair a bha e. Chuir mi mo làmh a-mach airson sùil a thoirt air an uair air m' fhòn. Nuair a shuath mi mo shùilean airson an 40 sgròn fhaicinn, dh'èirich an sealladh a b' annasaiche a chunnaic mi riamh às an t-sàmhchair. An e trom-laighe a bha seo? Bha an sgàthan air fàs cho mòr gu robh e a' toirt leis balla an t-seòmair uile agus bha a h-uile coltas air gun robh e a' tarraig le gluasad a' chuain. An ath mhionaid, thòisich an leabaidh ri tulgadh sìos agus suas agus, air m' fhacal, bha mi air bòrd bàta ann am meadhan fior dhroch stoirm le tuinn àrda gheala ag èirigh mar uilebheistean às a' mhui dhuibh. 45 A bharrachd air sgreuchail àrd na gaoithe cha chluinninn ach teannachadh nan ròpannan bho na siùil agus diosgail fiadh deic a' bhàta fhad 's a għluais e mar nì beò fodham. Bha eagal orm gun robh mi leam fhìn air bòrd. 'S e faochadh a bh' ann seòladair eile fhaicinn a' tighinn gam ionnsaigh air an deic 's mi ann an èiginn le grèim bàis agam air ròpa. Ach cha mhòr nach do

dh'fhàg mo thoinisg mi nuair a thuig mi gun robh an duine mòr seo le ceum slaodach agus sùilean
50 domhainn uaine ag amas orm le sgian aige na làimh, gràin air aodann agus coltas a' mhurtair air.
Sa mhionaid, dh'aithnich mi e.

Leig mi èigh asam nuair a chunnaic mi e a' tighinn na b' fhaisge agus na b' fhaisge orm.
Dh'èirich sgread gaoithe na b' àirde air mo chùlaibh . . .

* * *

Thàinig mi thuige nam fhallas air ùrlar an t-seòmair agus piosan de sgàthan briste timcheall orm.
55 Bha a' ghlainne ghleansach ghorm a' priobadh san dorchadas agus bha mo chiall na laighe ann
am mìle pìos am measg nan sgealban biorach.

(*An Sgàthan le Cailean T MacCoinnich – atharraichte*).

Freagair na ceistean a leanas. Cho tric 's is urrainn dhut, bu chòir dhut na faclan agad fhèin a chleachdadadh nad fhreagairtean.

1. Carson a bha aig an sgrìobhadair ri mòran rannsachaidh a dhèanamh air an eadar-lion? 2
2. Seall mar a tha an sgrìobhadair a' toirt ort a bhith a' creidsinn gu bheil atharrachadh air tighinn air a bheatha bhon oidhche seo. Dh'fhaodadh tu iomradh a thoirt air taghadh-facail agus structair seantans. 2
3. Coimhead a-rithist air loidhnichean 7 gu 16.
Mìnich dè seòrsa suidheachadh a tha an sgrìobhadair a' cruthachadh an seo agus dèan soilleir mar a chuir e seo an cèill. 3
4. Coimhead a-rithist air loidhnichean 17 gu 20.
Ciamar a tha an dòigh-sgrìobhaidh a' sealltainn dhuinn gun robh an rùm aig an sgrìobhadair astar math air falbh? Thoir iomradh air an àd chuid, taghadh-facail agus structair seantans. 3
5. Carson a chuir e iongnadh air an sgrìobhadair nuair a chunnaic e gun robh suipear deiseil air a shon air trèidhe san rùm? 2
6. A' cleachdadadh eisimpleirean bhon teacsa, seall mar a tha an sgrìobhadair a' dèanamh coimeas eadar an leabaidh agus an stuth eile a tha anns an rùm. 2
7. Coimhead a-rithist air loidhnichean 26 gu 30.
Carson, nad bheachd, a dh'fhàg an sgrìobhadair fios mun sgàthan gu deireadh a' pharagraf? 2
8. Nad bheachd fhèin, mìnich dè cho freagarrach 's a tha an samhla, "mar telebhisean gun fhuaim ann an oisean rùm-suidhe". 2
9. Coimhead a-rithist air loidhnichean 42 gu 46.
A' cleachdadadh eisimpleirean bhon teacsa, seall mar a tha an dòigh-sgrìobhaidh a' toirt taic do bheachd an sgrìobhadair gun robh e ann am meadhan trom-laighe. 3
10. Coimhead a-rithist air loidhnichean 47 gu 53.
Seall mar a tha an sgrìobhadair air a bhith soirbheachail faireachdainnean de dh'olc agus eagal a thoirt seachad anns an earrainn seo. 3

11. Coimhead a-rithist air loidhnichean 54 gu 56.

Seall dè cho èifeachdach 's a tha na h-iomhaighean seo mar dheireadh don sgeulachd. Thoir iomradh air mar eisimpleir taghadh-facail, structair seantans agus ceanglaichean ris a' phlot.

3

12. Sgriobh trì sreathan mar gheàrr-chunntas air na thachair dhan sgriobhadair às dèidh dha a dhol a-steach don rùm. Na tagh ach am fiosrachadh as cudromaiche gus seo a dhèanamh.

3

ROINN 2 – LEUGHADH BREITHNEACHAIL IS SGRIÖBHADH – 20 comharra

Sgriobh air AON de na roghainnean a leanas

1. Rosg

- (a) Tagh sgeulachd ghoirid no nobhail aig a bheil deireadh èifeachdach. Mìnich mar a thug an deireadh buaidh air an teacsa uile gu lèir.

NO

- (b) Tagh sgeulachd ghoirid no nobhail a thug buaidh ort air sgàth a' chuspair a bha anns an sgeulachd no san nobhail. Mìnich dè na rudan a rinn an cuspair cho tarraingeach dhut.

2. Bàrdachd

- (a) Tagh pìos bàrdachd a leugh thu a bha brònach. Seall mar a chleachd am bàrd diofar sgilean sgrìobhaidh gus am faireachdainn seo a bhrosnachadh annad.

NO

- (b) Tagh pìos bàrdachd aig an robh ceangal làidir ri cultar na Gàidhlig no ri àite sònraichte. Mìnich mar a chuir am bàrd na faireachdainnean aige/aice an cèill.

3. Dràma

- (a) Tagh pìos dràma a chunnaic no a leugh thu anns an robh caractar a ghlac d' aire. Mìnich mar a chleachd an sgrìobhadair diofar sgilean sgrìobhaidh no/agus caractar eile gus an caractar seo a dhèanamh cho inntinneach dhut.

NO

- (b) Tagh pìos dràma a leugh thu aig an robh toiseach a ghlac d' aire sa bhad. Mìnich mar a bha an toiseach seo cudromach a thaobh cuspair anns a' chòrr dhen dealbh-chluich.

4. Film/Telebhisean

- (a) Tagh film no prògram-dràma anns a bheil structair plot uabhasach èifeachdach. Mìnich mar a tha seo follaiseach agus mar a bha e cudromach anns an fhilm no sa phrògram gu lèir.

NO

- (b) Tagh film no prògram-dràma a thug buaidh ort air sgàth aon de na cuspairean a nochd ann. Mìnich mar a bha an cuspair seo follaiseach agus seall mar a thug e buaidh ort.

5. Cànan

- (a) Tagh aon dual-chainnt Ghàidhlig agus seall na tha ga dèanamh sònraichte don sgìre far a bheil i air a bruidhinn.

NO

- (b) Mìnich le eisimpleirean, a' bhuaidh a tha air a bhith aig leasachaidhean càinairt air a' Ghàidhlig mar eisimpleir ann an saoghal Foghlam tro Mheadhan na Gàidhlig, na Meadhanan, na h-Ealain . . .

[CRÌOCH A' PHÀIPEIR EISIMPLEIR]

Acknowledgement of Copyright

Roinn 1 Extract is adapted from “An Sgathan” by Cailean MacCoinnich. Permission is being sought.

Duilleag a seachd